

中國方志叢書·華中地方·第三六六號

據

清·羅度等修，郭肇林等纂
光緒九年刊本

影印

四川省

珙縣志

(一)

成文出版社有限公司印行



10106088

k29
H819
3366(1)

sk5367

PDG

中國方志叢書·華中地方·第三六六號

據

清·羅度等修，郭肇林等纂
清光緒九年刊本

影印

四川省

珙縣志

(二)

成文出版社有限公司印行



453/67



10106089

中國方志叢書·華中地方·第三六六號

據

清·羅度等修，郭肇林等纂
光緒九年刊本

影印

四川省

珙縣志

(三)

成文出版社有限公司印行



10106090

sk 53/67

中華民國六十五年 月臺一版

珙縣志

全三冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

舊序

附府志內琪邑未有

窃以無田之鄉尔歸聖化浴日之淵豈屬剽聞
近在千里隔幘之門其地雖褊而政事風俗未
殊於一邦也夫云蠶叢及魚鳧開國何茫然
盖天下之無而至有自有而趨多則混濛者繁
萃之肇也琪邑在叙南方僻小之甚與土府爲鄰
遇平世其尊踰於土府而蟻長不敢埒命吏椎髻
者弭耳貼服焉遇衰世則編戶之民沒於土府而
蠻長可以凌百姓被難者流離瑣尾焉故欲長爲

太平之人而不可得耳今

鼎運方隆九二寧謐了遺之福也奉牒纂輯舊聞

而遺書外廢往之道路傳聞者雖半屬未實然亦
不得不即傳聞而叅訂之以期可信而已編之闕
之不敢浮誇遠臣敬事之忱也
康熙丙寅知珙
縣事三潮邵廷章撰

序文 舊稿

庚辰秋予捧檄入蜀委綰閬中縣篆閬中爲川北
要地事變紛繁人文輩出索邑志讀之無有也幸
已夏代至再委纂江得抄志稿一卷欲加脩飭仲
秋又代至俗稱五日京兆當爲而不及爲者詎獨
志哉壬午春初蒞琪詢及志乘僉曰此荒涼萬山
中諺云七家琪縣何志之有予惟在閬在纂若得
稍寬歲月從容採輯成志必有可觀以其地可志
者多而文獻亦未盡無徵也今琪僻處荒微郡縣

於漢州於唐宋長官司於元千餘年間官職稀聞
人物不著明以來乃僅有存者其間罷縣州治屢
經遷徙且無能鑿鑿指數其地符黑水出南廣見
水經注而邑人若罔聞知老成掌故一時闕焉又
自度才非經世學愧博物識疎鑑古然則珙志又
何以爲乎雖然向以五日京兆而不爲今又以七
家珙縣而不爲是終無爲日也且珙地本西南夸
服僰人居之若漢唐蒙之所開宋柳光熙之所化
不過羈縻勿絕是則元以前千餘年無傳者大抵

皆不足傳也自明以後變類已盡中土之人流寓其間忠義文學漸不乏人

國朝繼起至有以孝友名其鄉者一任湮沒何以示勸是則論志於珙元以前可有可無自明以來則斷不可無也禮稱廣谷大川異制民生其間異俗官斯土者必周知一邑之風土民情脩其教不易其俗齊其政不易其宜定厥規模而後從事如周官小史掌邦國之志使境內之典故一披覽間瞭然心目政教可因是而調劑是志之關於治道尤

鉅使因陋就簡而不爲其於吏治大概可知矣嗣
得前令邵君所纂內寅志附郡志中寥寥數簡似
未經考索者予因不自揣探通志華陽國志漢唐
諸史暨閱歷所至耳目所及與邑士悉心蒐羅參
互攷訂闕疑存信薈萃成書用以風示邑人知所
勸懲又自蒞任以來因其俗而爲之教禁者間附
其中以俟後之君子考鏡得失隨時正救或亦不
無小補云 乾隆癸未知珙縣事廣東東安曾受

一撰

舊方

見府志內琪邑未有

之南行三日爲琪治在黃山中其地幽其路險
密邇蠻域其田少其民乏賦役滋繁其政不宜寬
猛相勝其制不必古今同揆也稽其所自始則叙
迤南舊皆屬夜郎前代以其關未久但羈縻之而
已琪興地不及慶高而過於錦興然其爲邊近而
椎髻錯綜易於蔽奸則同也凋瘵之狀亟待煦育
以綏以聚則同也俗甚朴愚易著稍施誠求之意
已戴之如怙恃大都吏於斯者茹荼常事而廉譽

亦不彰卽智足以逸民者亦惟卽其固陋而安之
視編氓課耕訓學相與其熙恬之休勤緝捕詰津
隘以徭民生因民爲治已循何必倣中牟之
三異哉 部彙纂志所在以其事上而珙編闕文
獨多不克成帙乃廣稽博詢僅得什一以獻而淳
風已穆然可思爲政 留知審所尚矣

康熙丙寅知馬湖府攝叙州府事江蘇山陽何源
濬撰

卷序

附府志內琪邑未有

竊以無雷之鄉亦歸聖化浴日之淵豈屬剽聞況
近在申土幅輳之內其地雖褊而政事風俗未有
殊於大邦也太白詩云蠶叢及魚鳧開國何茫然
蓋天下事自無而至有自有而趨多則混濛者繁
華之肇也琪邑在叙南方僻小之甚與土府爲鄰
遇平世其尊踰於土府而蟻長不敢埒命吏椎髻
者弭耳貼服焉遇衰世則編戶之民沒於土府而
蠻長可以凌百姓被難者流離瑣尾焉故欲長爲

太平之人而不可得耳今

鼎運方隆九宇寧謐予遺之福也奉牒纂輯舊聞而遺書久廢得之道路傳聞者雖半屬未實然亦不得不卽傳聞而叅訂之以期可信而已編之闕之不敢浮誇遠臣敬事之忱也
康熙丙寅知珙縣事三潮邵廷章撰

琪志卷之首

序文 新編

邑之有志猶國之有史也史載善惡以示褒貶而垂法戒使天下後世皆知懲惡而勸善此史之所
以足翊乎經而大有裨於政教也志則但志其善
以立坊表而四履以內疆域之廣狹土產之饒絀
人物之盛衰風俗之醇薄悉寓其中卽此間吏治
之宜興宜革當損當益亦可繇是而得所依據焉
則志之有裨於政教也詎淺鮮哉琪本古西南夷

服地秦滅開明氏獫人居此號曰獫國後爲夜郎
王所屬漢武帝使唐蒙畧通犛道取夜郎置南
廣縣於此屬犛爲郡蜀漢後帝又於此置南廣郡
以南廣縣爲首邑晉及六朝皆因之隋改南廣爲
協州唐改爲鞏州又改因忠郡扶德州宋僅爲羈
縻鞏州元末明王珍改爲琪州明洪武四年改爲
琪縣而琪之上下羅計落亥青山等處仍設土官
萬歷元年平都掌蠻改設流官此地始皆屬中土
其先世文獻弗彰荒渺難稽考古者欲徵實而無

從故他邑有志而琪志獨缺 本朝康熙年間兩
脩省志檄取琪歲雖相傳丙寅有志已丑有志而
書僅數頁附於 府志琪邑并無鐫本烏足以云
志乎惟前令 曾公自閩中蒞江來尹於此政教
之餘攷文徵獻上溯皇口下蒐近今裒輯志稿一
帙卓軼前代惜功猶未竣而已擢尹江津攝守廣
安去矣脩於已丑長至承乏斯土接辦城工畧無
寧刻雖曩日亦嘗與脩潁川大梁等志而於此間
則舍 曾公卽問道無繇也隨於諸務倥偬之際